

**SPORAZUM O RESTRUKTURIRANJU POLICIJE FEDERACIJE I HERCEGOVINE**

Mi, dole potpisani, sastali smo se u ~~Bosni i Hercegovini~~ 25. aprila 1996. godine da, između ostalog, donesemo odluku o restrukturiranju policije u Federaciji Bosne i Hercegovine i da se dogovorimo o konkretnim mjerama za sprovedbu tog restrukturiranja u odnosu na kantonalnu policiju, u skladu sa Ustavom Federacije i sa Generalnim okvirnim sporazumom za mir u Bosni i Hercegovini. Jedinstvena policijska struktura, kreirana da podrži demokratske institucije, je suštinska za uspjeh Federacije. Ovaj Sporazum pokazuje našu spremnost za razvojem policijskih struktura u okviru Federacije, koje će podržavati demokratski sistem i štititi međunarodno prihvaćena ljudska prava i osnovne slobode svih ljudi. Restrukturiranje policije je kritična mjera za izgradnju povjerenja koja će pomoći da se obezbijedi čvrsta osnova za slobodne i pravedne izbore, i uliti u javnost povjerenje u sigurnost lica i imovine.

Sporazumi koji slijede, a čiji su sastavni dio i aneksi u prilogu, izražavaju naša osnovna opredjeljenja i konkrete korake ka restrukturiranju Federalne policije, u skladu sa opšte prihvaćenim međunarodnim policijskim standardima i garantiranjem poštivanja međunarodno prihvaćenih ljudskih prava.

**OSNOVNA OPREDJELJENJA**

1. Svjesni smo da se, u okviru Generalnog okvirnog sporazuma za mir u Bosni i Hercegovini, opredjeljujemo za stvaranje policijskih organizacija, zasnovanih na savjetu Komesara Međunarodnih policijskih snaga UN-a (UN IPTF), koje su struktuirane i funkcionišu u skladu sa opšte prihvaćenim međunarodnim policijskim standardima i garantiraju poštivanje međunarodno prihvaćenih ljudskih prava.
2. Kao nastavak naših opredjeljenja i obaveza prema Generalnom okvirnom sporazumu za mir u Bosni i Hercegovini, osnovali smo, na zahtjev Komesara UN IPTF-a, Komisiju, dizajniranu da obezbijedi input koji će on koristiti u svojoj formulaciji instrukcija koje se tiču restrukturiranja federalnih policijskih struktura neophodnih za obezbjeđivanje postupanja u potpunosti u skladu sa našim obavezama. Sastali smo se danas na prvoj radnoj sjednici Komisije u punom sastavu.
3. Slažemo se da principi sadržani u Aneksu 1 ovog sporazuma konstituišu opšte prihvaćene međunarodne policijske principe na kojima se moraju bazirati standardi za restrukturiranje i reorientaciju federalnih policijskih struktura.
4. Slažemo se da je trenutna policijska snaga iznad potreba demokratskog društva i izvan mogućnosti Federacije da pruži podršku i da, kako se Federacija bude kretala ka mirovnoj demokratiji, broj policijaca koji rade u postojećoj policijskoj strukturi mora biti prilagođen nivou sukladni Evropskim standardima.

MEDUNARODNO PRIHVĀĆENI  
PRINCIPI POLICIJSKOG POSLA U DEMOKRATSKOJ DRŽAVI

Mi, dole potpisani, slažemo se da su sljedeće tačke suštinski principi policije u demokratskoj državi. Ovi principi će biti putokaz Komisiji u njenim preporukama koje se tiču reorganizacije policije u Federaciji. Ovi principi će također služiti kao putokaz za policijske operacije i obuku koji će pomoći reorientaciji policije da služi i štiti gradane Federacije, u skladu sa zahtjevima demokratske države.

1. Policia mora biti orijentirana i raditi u skladu sa principima demokratije. Ovom izjavom podrazumijevamo da se policia mora sama orijentirati i uvijek raditi na način koji je u skladu sa Ustavom i zakonima Federacije. To je zakon, koji su kreirali demokratski izabrani predstavnici naroda, koji mora rukovoditi akcijama policije. Arbitarno sprovodenje zakona nije u skladu sa ovim principom.
2. Policajci, kao recipijenti širokog povjerenja javnosti, su profesionalci čije ponašanje mora biti rukovodeno profesionalnim kodom ponašanja. Ovom izjavom stavljamo na znanje da smo svjesni da je policijski posao više od zanimanja. Posebno povjerenje javnosti u policiju zahtijeva da policia uvježbava najviše standarde etičkog ponašanja u obavljanju svojih dužnosti. Profesionalni etički kod policije Federacije mora biti razvijen da bude putokaz policajcima Federacije.
3. Najveći prioritet policije mora biti zaštita života. Ovom izjavom stavljamo na znanje da smo svjesni da je ljudski život dragocjen i da je pravo na život osnovno prihvaćeno ljudsko pravo. Usprkos činjenici da su policajcima date posebne privilegije i povećane odgovornosti u odnosu na upotrebu sile, primjena sile bi trebala da bude minimalna u svim okolnostima, a smrtnosna sila treba da se koristi samo za zaštitu sopstvenog života i života drugih ljudi.
4. Policia mora služiti javnosti i odgovorna je javnosti kojoj služi. Ovom izjavom stavljamo na znanje da smo svjesni da je suština policije javna služba. U demokratskom društvu policajci su čuvari javne sigurnosti. Oni su odgovorni javnosti u izvršenju tog zadatka. To znači da policia mora djelovati na takav način da javnost zna, razumije i prihvaca policijske mјere, koje se preduzimaju da se obezbijedi javna sigurnost.
5. Zaštita života i imovine je primarna funkcija rada policije. Ovom izjavom smatramo da primarna briga rada policije mora biti usmjerena na sprečavanje zločina koji prijeti životu i imovini. Iako je otkrivanje zločina nesumnjivo jedna važna funkcija policije i ima veliku moć zastrašivanja, centralni fokus mora biti na mjerama za prevenciju zločina.

6. Policijci moraju obavljati svoje aktivnosti poštivajući ljudsko dostojanstvo i osnovna ljudska prava za sve osobe. Ovom izjavom smatramo da u obavljanju svojih obaveza, policijci moraju pokazati poštovanje za međunarodno prihvачene standarde o ljudskim pravima. Mučenje i drugi okrutni nehumanistički ili ponižavajući postupci prema građanima ili zatočenicima nisu u skladu sa ovim principom i policijci ih ne mogu činiti i podržavati.
7. Policijci moraju vršiti svoje dužnosti na nediskriminirajući nacin. Ovom izjavom smatramo da sprovodenje zakona, javna sigurnost i zaštita ljudskih prava moraju biti rukovodeni na način koji je pravedan i jednak za sve osobe. Diskriminacija na osnovu rase, pola, religije, jezika, boje kože, političkog mišljenja, nacionalnog porijekla, rođenja, imovine, etničkog ili drugog statusa, u obavljanju policijskih dužnosti nije u skladu sa policijskim pozivom u demokratskoj državi. Ovaj princip se također primjenjuje i prilikom regrutacije, promocije i podjele dužnosti policijskim službenicima. Sastav policije bi trebao biti odraz javnosti kojoj služi.

Potpisano u Bon-Petersbergu, 25. aprila 1996.

Krešimir Zubak  
Predsjednik Federacije  
Bosne i Hercegovine

Ejup Ganić  
Potpredsjednik Federacije  
Bosne i Hercegovine

Za Komisiju:

Robert Vasserman, predsjedavajući  
Zamjenik Komesara UN IPTF-a

Avdo Hebđib  
Ministar unutrašnjih poslova  
Federacije Bosne i Hercegovine

Jozo Leutar  
Zamjenik ministra unutrašnjih poslova  
Federacije Bosne i Hercegovine

Ismet Dahić, policijski savjetnik  
Ministarstvo unutrašnjih poslova  
Federacija Bosne i Hercegovine

Milan Križanović, pravni savjetnik  
Ministarstvo unutrašnjih poslova  
Federacije Bosne i Hercegovine

Enes Bezdrob;  
Načelnik CSB-a  
Sarajevo

Milan Vukoja  
Predstavnik kantona

Kao svjedoci:

Michael Steiner  
Ambasador  
Prvi Zamjenik Visokog predstavnika

S. Iqbal Riza  
Specijalni predstavnik  
Generalnog sekretara